

天元歷理全書

天元曆理全書卷之三

原理之三

北海成愚崑先生鑒定

嘉興徐

璠著輯

原星

二○炁○有○五○德○五○德○者○二○炁○之○子○二○炁○者○五○德○之○母○故○日○月○能○具○五○行○之○全○五○行○皆○專○于○一○精○炁○有○獨○勝○也○夫○同○一○天○地○而○五○行○有○獨○勝○則○何○益○東○方○爲○日○月○所○升○之○處○陰○陽○二○炁○從○之○而○升○故○東○方○之○炁○多○升○少○降○炁○升○則○物○性○就○生○生○炁○溫○柔○故○木○旺○于○東○其○德○爲○仁○而○東○方○之○人○

天元曆理

原理之三

五行本于
二炁之浮
沉升降曰
前至理無
人道出

亦多仁。仁者德之首。在天爲元。故聖人首尚之。西方爲
日月所降之處。陰陽二炁從之而降。故西方之炁多降。
少升。炁降則物性就斂。斂則堅剛。故金旺于西。其德爲
義。而西方之人亦好義。其德在天爲利。天之利。公利也。
公利卽爲義。人之利。私利也。私利則害義。故易以義爲
利。而聖人矜矜爲義。利之別。公與私而已。南方乃日月
上行之處。陰陽二炁從之而浮。故南方之炁多浮。少沉。
物性揚而燥。故火旺于南。其德爲禮。而南方之人亦好
禮。在天爲亨。有禮則亨通矣。北方乃日月下行之處。陰
陽二炁從之而沉。故北方之炁多沉。少浮。物性深而巧。

符此解易
勿理乃全

故水旺于北其德爲知而北方之人亦深沉而多智在天爲貞蓋惟知之明而後守之固知之不明自欺之拙欺人之僞也自欺欺人豈能久乎故真知必貞固中央者日月之所經行風雨之所和會其炁能升能降亦沉亦浮爲天地之中德處于四德之外而亦藏于四德之內故土雖旺于中實徧于四方在天爲信信者誠也誠仁誠義誠禮誠智也信非四德不足以名信四德無信不足以成四德猶土非金木水火不生金木水火非土不成故河圖以金木水火爲生數以土爲成數土無專位該徧于四物之位故八卦不立中宮而卦辭亦不言

易知

撈羅妙義
無意出之

天元層理

中○德○非○不○言○也○具○于○四○德○之○內○也○此○五○者○本○卽○陰○陽○二○
炁○而○爲○升○降○浮○沉○所○變○乃○偏○于○一○德○德○者○性○之○始○也○性○
者○神○之○本○也○神○者○炁○之○母○也○炁○者○精○之○根○也○精○者○形○之○
胎○也○故○德○著○而○成○性○性○立○而○神○生○神○凝○而○炁○固○炁○積○而○
成○精○精○積○而○爲○形○于○是○乎○有○五○星○五○星○各○有○陰○陽○故○有○
十○干○陽○爲○德○陰○爲○刑○故○陽○干○爲○正○而○陰○干○爲○偏○正○氣○爲○
德○而○餘○炁○爲○德○亦○爲○刑○偏○則○雜○也○其○行○于○天○有○遲○疾○其○
應○于○休○咎○亦○有○緩○急○各○從○其○性○也○其○所○臨○照○之○地○有○宜○
忌○其○相○值○也○有○凌○犯○關○蝕○戰○守○喜○怒○制○化○各○從○其○德○也○
五○步○之○法○遲○留○伏○逆○各○有○定○限○原○出○天○官○至○今○用○之○不○

聖經
聖經
聖經

爽要此乃古法之遺獨得其詳而後人或謂聖王之世
五緯順軌無逆行者妄也夫所謂順軌者卽順遲留伏
逆之軌耳故應遲不遲謂之贏應留不留謂之燥應伏
不伏謂之晝見謂之經天應逆不逆謂之縮蓋日爲純
陽得天之全體故月行相對而有望食轉避之理則五
星當日豈無伏逆之道乎故見日而留近日而逆合日
而伏日過而復皆以周天三合爲限三合者天地之紀
綱也若乃三垣二十八宿與群星之象如綴如繫附于
天而亘古不變則其精絜之薄又不及五星要亦本于
二炁五行之散寄者焉故其爲象也合于事物之形而

其爲占也。亦應于人物之理。地有一物。天必有一星者。物理精炁所聚也。蓋天有是理。乃有是象。而人物卽有其事。應之故。天爲母。人物爲子。母有是炁。子乃有是形。後人反謂人物生于下。而精氣成于上。失其本末矣。古聖人以其形之所似者。命之。若乃聖人所不能名者。不知有幾千萬時。而顯時而隱。皆本乎氣數。人所不能測。所貴聖人立法。因時測驗之精詳。以爲一時之典。非徒守古不變而已也。今人但知甘石星圖爲一成之法。夫甘德石申皆戰國人。當東遷以後。古法淪亡。天球河圖不復可覩。不過疇人子弟散失之餘。是以鄒衍談天五

附後
豈有
物耶

德終始。恣其荒誕。呂氏月令。附會建亥。假借中星記曰。河圖隱于周初。洛書火于亡秦。治世之道。不可復見。良有然矣。故漢人不知循環歲差之理。以二十八宿分屬四方。甚矣天象之難言也。然枉矢西流。鉅鹿得解。月暈天街。平城是圍。使星向益。而李邵先知。馬策不搖。而周騰預料。中台星坼。月犯少微。福德在燕。黃星出昴。後之明哲。占驗頗多。則何也。蓋星象所傳。本古聖人遺術。自在人間。固未盡泯。要惟明理者。會通其變。弗徒拘文牽義可耳。唐史曆志。謂北斗樞星。舊經在星一度。今在張三度。璇星。舊經在張二度。今在張十二度半。幾星。舊經

在翼二度。今在翼十三度。權星舊經在翼八度。今在翼十七度。玉衡舊經在軫八度。今在軫十度半。闕陽舊經在角七度。今在角四度。杓星舊經在亢四度。今在角十二度。諸星古今不同者不可勝紀。至林邑日南從海中望南極。纔入地二十餘度。八月見老人星下。尚有列星甚衆。明大粲然。皆古所未識。近世好奇者。亦每從海客得所謂海外星。古諸宿如孔雀火鳥蜂蛇鶴馬飛魚金魚海山海石南船小斗夾白附白波斯水委之類。亦足廣異聞。要之天象變遷。日月有異。自是常理。當明其變。而又不失古聖人立法之意。古聖人立法必有合天之

道故神靈奉職。萬古不遷。今術家多臆爲改竄。如北斗魁中之天理。乃天帝造化萬物之理也。誤作牢獄法官之理。牢獄豈在斗中。北極勾陳乃天子之后宮。或作六軍。天子六軍豈在內宮。天床在紫微垣門外。古人几筵架座皆謂之床。乃御朝聽政之具也。舊以晏寢之所是床第之床矣。豈天子床第在宮門外乎。宿舍有天田。天子之藉田也。牛舍有天田。乃九州率之田也。舊俱作藉田。虛爲塚墓死喪之事。多誤作冢卿大臣參井下有丈人星。與子星孫星老人星相近者。乃所謂賤丈夫也。舊作國之老臣。井間有關丘。乃溝


渠間通水之闕也。舊皆作象魏雙闕。至傳說乃后宮中
之女傅。而作商臣。東甌乃甌冶之官。而或作甌越。種種
悞于理。皆淺術陋士相沿之謬。不可不辨。茲特綜其名
義。與距度位置之略。爲星經輯要。并作分圖。以便觀覽。
云。若乃日月蝕暈于各舍。五星凌犯于諸宿。其條例繁
多。茲未能全入。別詳占驗一編于後。

星圖

傳稱黃帝使鬲苞規星星之有圖其來久矣近世所守者甘石經丹元歌顧相沿繪寫不無參錯如天將軍本在婁宿之上歌作婁下亢宿折威本七星歌作九子豈古今法象有不同耶殆傳習之或異且尺幅全譜疎密任意亦多失位置茲得劉氏善本頗詳各星距度去極度因以割圓扇面畫格填註從月令中星別之務易觀察若傍星無度者略依形似蓋古人命名之意原不離形象間以象求之亦取便尋索耳其空處雜星甚多古人所不能名存之徒亂人目故不概及


紫微圖

此天之北極向北看之象也依後每節赤道真度旋移置左
 爲日入處其上卽南正其下卽北正南正之宿卽本月節昏
 中以昏中之宿旋移而左卽夜半再以夜半之宿旋移而左
 卽旦中矣各記其中宿轉向南看自與後各圖合




赤道入炁度

冬至 第三度 小寒 斗七度 大寒 斗二十度 立春 女六度 雨水 危初度 驚蟄 危十五度
 春分 室十五度 清明 奎五度 穀雨 艮三度 立夏 胃七度 小滿 昂六度 芒種 畢十度
 夏至 參八度 小暑 井十二度 大暑 井二十度 立秋 柳七度 處暑 張三度 白露 翼一度
 秋分 翼十六度 寒露 軫十二度 霜降 角十度 立冬 氐四度 小雪 房四度 大雪 尾六度



太微圖

以下六圖俱向南看



仲夏昏沉中今翼中

今角

翼軫鶉尾之次爲楚
角亢壽星之次爲鄭

太公

中華東門

大陸東門

周

● — ●
田天

角

平道

天門

五

門南

九

新

FD 302

挂

街

門南


有



原理之三

P


天市圖



天元曆理

原理之三

九




月令
分野

孟秋昏建星中今氏中
仲秋昏牽牛中今尾中


氏房心大火之次爲宋
尾箕析木之次爲魯舊作燕有攷辨

天津圖




季秋昏虛中今斗中
孟冬昏危中今虛中

斗牛女星祀之次爲吳
盧范玄枵之次爲齊



閣道圖



附落

關通

天孫

軍南門

奎

天

屏外

天

天倉

天虎

天

月令

仲冬昏東壁中今室中


季冬昏婁中今奎中


分野

室壁瓶訾之次為魯

奎婁降婁之次為燕舊作魯有攷辯

五車圖





月令

孟春昏參中今昴中


仲春昏弧中今參中

分野

胃昴人梁之次爲趙

畢特參實沉之次爲晉

月令
 季春昏七星中今井中
 孟夏昏翼中今張中
 分野
 井鬼鶉首之次爲秦
 柳星張鶉火之次爲周





天河

舊經謂起箕尾之間謂之雲漢有二道其南經傳說魚淵天籥天弁河鼓其北經龜貫箕下次絡南斗魁左旗至天津下而合南道乃西南行又分夾匏瓜絡人星杵造父騰蛇王良附路閣道北端大陵天船卷舌而南絡五車經北河入東井水位過南河關丘天狗天紀天稷至七星南而沒今按楊邦慶攷序謂天津下倒分一派西映天市之吳越入宗人宗星而止驗之天象誠然然則雲漢之在天亦有古今之異耶存之以俟占天者

天元雲漢圖

此天元甲子冬至夜半之象雲漢全體見于天環抱紫微垣之上故曰覆幕帝廷東起于魁鬼者魁也魁者首也西没于尾尾者尾間也海水之所泄蓋雲漢為水氣所結水生于西北而傾于東南故雲漢始于鬼而終于尾尾間在東海中





或問水氣易動何以雲漢亘古不變曰此水非五行之水乃
 元氣之水但看鵜鷺之邪碎而傾之其自清中必有如絮一
 練亦水之凝結者天地生于水而成于水與萬物一體也

五星行率說

五星之行其遲疾也有本於星者有係於日者有由乎氣者如土木火度行遲金水星度行速此各星遲疾之殊本於其星之性情有緩急也及各行其道又視去日遠近而有遲疾之變差焉是以周率起於合伏近日則行疾遠日則行遲三合逢陽則畱與日相衝則逆遲疾一周復與日相合謂之周率約其大周木星八十三年而周天與日合度者七十六合期約三百九十九日火星七十九年而四十二周天與日合度五十七合期約七百八十日土星五十九年而二周天與日合度者五

十七合期約三百七十八日。金水與日常相近。隨日一
年一周天。金星八年而五合於日。退合者又五約五百
八十四日而順逆兩合。水星四十六年之間合於日者
一百四十五。退合亦然。約一百一十六日而順逆兩合。
此其常也。蓋五緯之行不由黃道。亦不由月道。而出入
黃道內外。各自有道。凡順行最疾之時。必與日合。木星
最疾。約四日行一度。火星最遲。約七日行一度。去日漸
遠而行漸遲。遲甚而畱與日近。一遠二也。畱久而退。與
日周天相半也。木星初畱約距日一百九度。初退約距
日一百三十一度。火星初畱約距日一百三十四度。初

退約距日一百四十四度土星初留約距日九十四度
初退約距日一百二十八度凡退行最疾之時必與日
對冲初遲退漸疾退最疾而復遲退如初退止而留
則皆距日如初退之度留久而順則皆距日如初留之
度日近於後纏漸久而行漸疾却從晨遲以至於晨疾
皆近於晨見距日之度復與日同纏則伏而光不著矣
此三星比日行度較少故合伏以後日在前而晨見於
東方是與日未對冲之先夜半後可望謂之晨段與日
既對冲之後夜半前可望謂之夕段金水二星則不然
金星最疾約四日行五度有餘距日甚遠不過四十五

度水星最疾約一日行一度有餘距日甚遠不過二十四度其距日既不甚遠則所行遲比日較少由是漸與日近金星距日三十度有餘而初留距日二十四度有餘而初退水星距日二十一度半而初留距日一十九度半而初退退行之際與日相近如夕見之度伏而不著與日相遠如夕見之度晨見於東退行最疾之時與日必同度退止而留則距日如初退之度留久而順行則距日如初留之度遲行漸疾而漸近日距日如退伏之度與日同纏則又伏而不著矣此二星比日行度較多合伏以前則過日而前夕見於西方與日未退合之

先昏後可望謂之夕段與日既退合之後晨前可望謂之晨段以金木形體大故伏見與日近水火土形體小故伏見與日遠其有入氣盈縮之變則當隨氣以推求其差而加減常度則得其逐日之定度矣求盈縮差法詳定法編

行曆約段

木合後一伯二什八日

六八

進二什一度七

晨畱一伯一什七日

六一六

退九度七六二五

夕畱一伯五什二日

六八

進二什一度七

火合後三伯五什三日

進二伯一什六度

晨畱六什五日九二九

退一什七度三〇九六

夕畱三伯六什一日

進二伯一什六度

土合後一伯〇六日四

進一什〇度〇五

晨畱一伯三什

五日二
九一六

退七度二五〇九

夕畱一伯三什六日四

進一什〇度〇五

金合後二伯七什日

進三伯度

夕畱三什八日九〇

二六

退一什六度〇九七四

晨畱二伯七什五日

進三伯度

水合後四什四日七五

進六什五度七五

夕畱二什四日三七六一

退一什五度六二四

晨畱四什六日七五

進六什五度七五

按此行段約法。所以便占天之大畧也。若細推行度。必用綴術。其詳定法編。茲未遑及。蓋天之示人以休咎最著者。無過五星。而人自不覺其五星之行。日日有進退遲疾之軌道。違其軌道。則必有咎應。而人自不知。故昔之明君賢辟。未有不究心於此者。遠者姑無論。卽明之高祖太宗。宣宗憲宗。皆能於宮中觀象。自知吉凶之應。歷歷可憑。豈真天道遠哉。自成平旣久。儒家得以寬解大度之論。一掃陰陽五行之理。盡歸玄虛。而荒於嬉者。益不知畏天。欲若爲何事矣。昔人曰。聖王之世。五星順軌。順軌者。順遲疾進退之軌。

太元曆理

曆理之三

太

道也說者乃謂有進而無退謂之順不幾與譬子辨
五色哉

觀象輯要

周禮視祲掌十輝之法一曰祲陰陽五色之浸淫相侵
二曰象雲氣成形象三曰鑄日旁氣刺日四曰蓋雲氣
臨日上五曰闇謂蝕及日光脫六曰瞢光不明七曰彌
白虹貫日八曰序謂氣若山而在日上及冠珥背璫重
疊次序在于日旁九曰隤謂暈及虹十曰想五色有形
想也

日爲太陽之精人君之象日月行有道之國則光明

君道正大則日色光明動不失時則日揚光君

臣有道則日含王字臣亮天工則日備五色有

聖人起則日再中。人君有德日有四珥。光輝四出。

日有二珥。一年再赦。

凡黃氣環在日左右為抱氣。居日上為戴氣。為冠氣。居

日下為承氣。為履氣。居日下左右為紐氣。為纓氣。抱

氣則輔臣忠。餘皆為喜。為得地。吉。一珥在日西則

西軍勝。在東則東軍勝。南北亦然。無兵亦有拜將。

兩珥氣圍而小在日左右。主君壽考。三珥色黃白。

女主喜。純白為喪。赤為兵。青為疾。黑為水。四珥主

立侯王。有子孫喜。

日有黃芒。君福昌。多黃輝。主政太平。日無光。為

凡有氣象以黃為吉。白主疫。或赤主兵。或黑主火。或主疾。或主荒。黑主水。妖大器。皆然。不盡錄也。

兵喪。又爲臣有陰謀。日旁雲氣白如席。兵聚戰。或黑有叛臣。如蛇貫之。而青穀多傷。白爲兵。赤其下有叛。黃臣下交。泰黑爲水。日始出。黑雲氣貫之。三日有暴雨。青雲在上下。年穀登。有赤氣如灰。蛇爲饑。爲疫。雜氣刺日。皆爲兵。

日暈。七日內無風雨。有異應。甲乙憂火。丙丁臣下不忠。戊己后族盛。庚辛將不用命。壬癸臣專政。半暈。相有謀。黃則吉。黑爲災。暈再重。歲不豐。色青爲兵。穀貴。赤蝗爲災。三重兵起。四重臣叛。五重兵饑。六重兵喪。七重天下亡。

數日並出諸侯有謀無道用兵者亡。日闕爲兵寇。

日隕下失政。日中見飛燕下有廢主。日中黑子。

臣蔽主明。日晝昏臣蔽君有篡逆。赤如血君喪。

臣叛。日夜出兵起下陵上大木。日光四散君失。

明。白虹貫日近臣亂諸侯叛。日赤如火君亡。

日生牙下有賊臣。

日食爲陰蔽陽食旣則大臣憂臣叛主兵起。日食在。

正旦王者惡之。

日珥甲乙日有二珥四珥而食白雲中出生兵丙丁黑雲天下疫戊己青雲兵喪庚辛赤雲天下有少主壬。

癸黃土功。

日食在甲乙日主四海之外不占丙丁江淮海岱也戊己中州河濟也庚辛華山以西壬癸常山以北各以其下所主當之。

太陰

月爲太陰之精。女主之象。君明則依度。臣專則失道。或大臣用事。兵刑失理。則乍南乍北。或女主外戚專權。則或進或退。

月變色爲殃。青饑赤兵白旱黃喜黑水。晝明則姦邪作。女后強。

月旁瑞氣一珥五穀登兩珥外兵勝四珥及生戴氣君
喜國泰終歲不暈天下偃兵

數月並見兵起國亂水溢

星入月中失地破將

白暈貫月下有廢主白虹貫月爲大兵起

月生齒則下有叛臣月生足則后族專政

月珥背璫暈而珥六十日兵起珥青憂赤兵白喪黑

國亡黃喜有背璫臣下弛縱欲相殘賊不和之氣

月暈三重兵起四重國亂五重女主憂六重國失政七

重下易主八重亡地九重兵起亡國十重天下更始

歲星犯月。兵饑民流。熒惑犯大將。有叛臣民饑。

填犯月。女主憂民流。太白犯月。右爲陰國有謀。左

爲陽國有謀。出月下。君危民流。月戴太白。兵起。

太白入月。將歿。與太白會。天子危。辰星犯月。天

下水。月食辰。水饑。辰入月。臣叛主。

彗星入月。或犯之。兵期十二年大饑。貫月。臣叛主。

流星犯月。有兵。月無光。有國亡。在月上下。國將亂。

月犯列宿。其國受兵。

星食月。國相歿。

星見月中。主憂臣叛。

歲星

歲星爲東方爲春爲木於人五常仁也五事貌也超舍
而前爲贏退舍爲縮色光明潤君壽民富又主福主
大司農主五穀

石申曰歲星所在國不可伐

如歲在卯不可東征

甘德曰所去國凶所之國吉退行爲凶災主泰山徐青
兖及角亢氐房心尾箕

君令不順則歲星退行入陰爲內事入陽爲外事行陰
道爲水行陽道爲旱

星大則喜小則牛馬多疾疫初見小而日益大所居

國利。初出大而日小。國耗。

荆州占歲星色黑為喪黃鵠歲豐白為兵青多獄君暴

則色赤

熒惑相犯為戰

相去方寸為犯

戰客勝

食火國亡

邊侵日食

守

火為賊

居之不

觸火則國亂

兩體俱動而直口獨

合闕為

譏旱

離復合合復離日闕

填星相犯

退犯填

太子叛

與填星

合為內亂民饑

芒角相及同光日合

守填星其下城敗

太白相犯大臣黜女主喪

觸太白則四邊來侵

守

太白為四序不調

合闕則大將死

辰星相犯太子憂

觸辰主憂

守憂賊

合則君

和臣

宋元曆理

歲星相犯太子憂。他星犯之主不安。客星犯守主憂。流星犯之色蒼黑大農。赤爲饑疫黃則歲豐。抵之臣叛主。

熒惑

熒惑爲南方。爲夏。爲火。於人五常禮也。五事視也。晉灼曰。常以十月入太微。受制而出行。列宿司天道。出入無常。出則有兵。入則兵散。逆行一舍二舍爲不祥。所舍國爲亂。賊疾喪饑。兵或環遶。勾已芒角動搖變色。乍前乍後。爲殃愈甚。

退行一舍。其下有火災。三舍大臣叛。

星經曰主霍山揚荆交州又主輿鬼柳七星又主大鴻臚又主司空爲司馬主楚吳越以南又司天下群臣之過失東行則兵聚東方西行則兵聚西方天下安則行疾

與歲星相犯主冊太子有赦觸歲星有子守之太子危

與填星相犯兵起入填星將爲亂觸之有刀兵守之有內賊太子危

與太白相犯主亡兵起守北太子憂南庶子憂環遠偏將死

與辰星犯兵敗。與辰星相會爲旱。秋爲兵。冬爲喪。守之。太子憂有赦。

他星相犯。各以所屬爲禍。祿星犯之。爲兵。爲火。

填星

填星爲中央。爲季夏。爲土。於人五常信也。五事思也。所居國吉。女子有福。不可伐去之。失地。天子失信。則填星動。盈則超舍。以前德盈則加福。刑盈則不復縮。則退舍不及常德。縮則迫感。刑縮則不育。

星經曰。主嵩山。豫州。又主東井。行中道。則陰陽和調。退行。一合爲水。二舍海溢。河決。經天退行。天下更政。地

巫咸曰。光明歲熟。大明主昌。小暗主憂。春青夏赤。女主喜。春色蒼。歲大熟。色赤。饑有芒兵。

與歲星相犯。相關爲內亂。合則野有兵。

與熒惑相犯。爲兵喪。合則爲兵。爲內亂。大人忌之。

與太白相犯。爲兵戰。失地。合於太微。國有大兵。

與辰星犯。爲兵。爲旱。

祿星犯。下臣謀上。

流星犯。則民多事。

與月相犯。有兵。后宮有奸謀。

太白

太白爲西方爲金於人五常義也五事言也日方南太白居其南日方北太白居其北爲羸侯王不寧用兵進吉退凶日方南太白居其北日方北太白居其南爲縮侯王有憂用兵退吉進凶

星經曰主華山陰梁雍益州又主奎婁胃昂畢觜參出西方失行外國敗出東方失行中國敗若經天天下革民更主是謂亂紀人衆流亡晝見與日爭明強國弱女主昌又主大將

巫咸曰光明見影戰勝歲熟狀炎然而上兵起如張蓋下有立王

與歲星相犯兵敗失地。

犯熒惑客敗主勝。

犯填星太子不安失地。

犯辰星主兵。

入月中死其下王。犯月角兵起在左則中國勝在右。

則外國勝。當見不見失地破軍。他星犯其事急。

祿星犯邊城有戰。客星犯主兵將死。

凡太白至牛倉避日而伏。若行至未卽爲經天其災異重也。

辰星

辰星爲北方爲冬爲木於人五常智也五事聽也常以
二月春分見奎婁五月夏至見東井八月秋分見角
亢十一月冬至見牽牛出以辰戌入以丑未二旬而
入晨侯之東方夕侯之西方也出早爲月食晚爲彗
星及天祲一時不出其時不和四時不出天下大饑
星經曰主常山冀并幽州又主斗牛女虛危室壁又主
燕趙代又主廷尉宰相之象

石甲曰色黃五穀熟黑爲水蒼白爲喪

與歲星相犯皇后有謀

熒惑犯妨太子

填星犯兵敗。

太白犯戰凶。

客星大陰流星相犯主內患。

五星總論

凡五星歲星色青。比參左肩。熒惑色赤。比心。大星鎮星。色黃。比參右肩。太白色。白比狼星。辰星色黑。比奎大星。得其常色而應四時則吉。變常爲凶。

木與土合爲內亂。饑與水合爲變謀。而更事與火合爲饑。爲旱。與金合爲白衣之會。合鬪國有內亂。野有破軍。爲水。太白在南。歲星在北。名曰牡牡。年穀大熟。太

白在北歲星在南其年或有或無。

火與金合爲燥爲喪不可舉事用兵。從軍爲軍憂。離之軍却出太白陰分地。出其陽偏將戰。與土合爲憂主孽卿。與水合爲北軍用兵。舉事大敗。一曰火與水合爲焮不可舉事用兵。

土與水合爲壅沮不可舉事用兵。有覆軍。一曰爲變謀更事必爲旱。與金合爲疾爲白衣會爲內兵。國亡地與木合國饑。

水與金合爲變謀爲兵憂。木火土金與水闕皆爲戰。兵不在外皆爲內亂。

三星合是謂驚立絕行其國外內有兵與喪百姓饑乏
改立侯王

四星合是謂大盪其國兵喪並起君子憂小人流

五星若合是謂易行有德受慶改立王者奄有四方子
孫蕃昌亡德受殃離其國家滅其宗廟百姓離去被
滿四方

五星皆太其事亦大皆小事亦小

五星俱見其年必惡

凡五星與列宿相去方寸爲犯

史記孟康注曰七寸以內爲犯韋昭曰自下而

上觸之爲犯

居之不去爲守兩體俱動而直曰觸離復合

天元曆理

八 曆理之三

天

合復離日闕當東反西日退芒角相及同宿日合

非常星

景星德星也。一曰瑞星。如半月。生於晦朔。大而中空。其

名各異

周伯其色黃煌煌然。所見之國大昌。

含譽光耀似彗。喜則含譽射。

格澤狀如炎火。下大上銳。色黃白。起地而上。見則不種

而穫

歸邪。兩赤彗。上有蓋。史記歸邪如星。非星如雲。非雲其下必有歸國者。

天保星有音如炬火。下地野鷄鳴。

凡瑞星皆五行冲和之氣所生也。其王蓬蒿玄保昭明
昏昌旬始旬始出北斗旁狀如雄雞其怒青黑象伏龍司危苑昌地維臧
光之類亦皆爲瑞星。然前志以王蓬蒿已下爲妖星
大約非常之星凶多吉少。

又奇星古無所考見於仁宗英宗之時。

凡客星亦名周伯老子王蓬絮國皇溫星周伯大而黃
煌煌然所見之國兵喪饑饉民庶流亡。老子明大
純白出則爲饑爲凶爲善爲惡爲喜爲怒。王蓬絮
狀如粉絮拂拂然見則其國兵起有白衣之會。國
皇大而黃白有芒角主兵水災人主惡之。史記國皇星狀類南

極所出之下起兵
兵強其衝不利

溫星色白狀如風動搖常出四

隅皆主兵此五星錯出乎五緯之間其見無期其行
無度各以其所在分野而占之

又四隅各有主星東南曰盜星主大盜西南曰種陵出
則穀貴西北曰天狗見則天下大饑東北曰女帛主
有大喪

流星天使也自上而降曰流東西橫行亦曰流流星有
八曰天使曰天暉曰天鴈曰天保曰地鴈曰梁星曰
醬頭曰天狗流星之爲天使者有祥有妖爲天暉天
鴈夜隕而爲天保則祥若夜隕而爲地鴈梁星晝隕

而爲螢頭則妖。流星之大者爲奔星。夜隕而爲天妖。厥妖大自下而升曰飛。飛星有五。亦有妖祥之分。飛星化而爲天刑則祥。爲降石爲頓頑爲解銜爲大瀝則爲妖。

彗星小者數尺。長者或竟天。見則兵起。大水除舊布新之兆也。其體無光。傳曰而爲光。故夕見則東指。晨見則西指。光芒所及則爲災。有五色各依五行本精所生。

孛星彗屬偏指曰彗。芒氣四出曰孛。孛者孛孛然非常惡氣之所生也。主大亂主大兵災甚於彗。

旄頭星玉冊云亦彗屬也

妖星五行垂戾之氣也五星之精散而爲妖星形狀不同爲殃則一各以其所見日期分野形色占爲兵饑水旱亂亡星三尺至五尺期百日等而上之至一丈期一年三丈期三年五丈期五年十丈七年十丈已上不出九年蓋妖星長大則期遠而殃淡短小則期近而殃淺天棊星乃歲之精主奮爭天槍星如彗出西方長二三尺天槍主破國天猾主招亂天攙出西方長數丈主國亂蚩尤旗類彗而後曲彗旗主兵天衝狀如人蒼衣赤首不動主下謀上

滅國。國皇大而赤去地三丈如炬火主內寇。及
登主邊塞主恣虐。昭旦主弱。昭明如太白光芒
不行主兵喪。史曰大而白無角作上作下司危如太白有日出
正西去地可六丈大而白出非其方有兵主擊強
五殘如辰星大而黃出正東去地六七丈出非其方
有兵主奔亡。六賊去地六丈出正南大而赤有光
出非其方有兵喪。獄漢青中赤表下有三星去地
可六丈出正北大而赤數動出非其方有兵以上四
星皆不利其衝。大賁主滅邪暴兵。燭星出而不
行見即滅所燭城邑亂。細流主伏逃。弗星即孛

星主災。旬始出北斗旁如雄雞見則更主。擊咎。

主大兵有反者大亂。天杵主牛羊。天杼主擊殃。

伏靈見則世亂。天敗主鬪衝。司姦主見怪。天

狗有毛旁有短彗下地如狗形見則兵饑。史記曰如

地類狗千里破軍。天殘主貪殘。卒起有謀反主驚亡。

枉天色黑蛇行望之如有毛其長數尺者見則兵起。

破女主君臣憂上下亂。拂樞主制時。滅寶主伐。

亂。繞縱主亂孽。驚埋主相屠。太奮祀主昭邪。

天鋒彗象形似矛鋒見則兵起有亂臣。昭星有三

其兵出有大盜不成又主滅邪。蓬星大如二升器。

色白出東南方東北主旱或曰水長倉星如一疋
布著天見則兵起四填星出四隅大而赤可二丈
爲兵地維臧光星如月始出大而赤去地二丈東
南旱西北兵出東北大水老子星色白爲善爲惡
爲饑爲凶爲喜爲怒鬻頭星有雲如壞山墜所墜
下有覆軍流血積陵出西南長三丈主兵小饑
昏昌出西北氣青赤色中赤外青主國易政華星
出西北狀如環大則諸侯失地白星如削瓜主有
喪菟昌有赤青環之主水天下改易濛星赤如
牙旗長短四面西南最多亂之象長星出西方狀

如正布見則兵起

歲星之精化爲天棓天槍天滑天衝國皇及登蒼彗
火星之精化爲昭旦蚩尤之旗昭明司危天欃赤彗
土星之精化爲五殘六賊獄漢大賁燭星絀流弗星句
始蚩尤虹蜺擊咎黃彗

太白之精化爲天杵天枰伏靈天敗司姦天狗天殘卒
起白彗

辰星之精化爲枉矢破女拂樞滅寶繞經驚理大奮祀
黑彗

月旁妖星亦各有所生天槍天荆真若天援天樓天垣

歲星所生出以甲寅日有兩青方在其旁 天陰晉
若官張天惑天雀赤若蚩尤熒惑所生也出在丙寅
日有兩赤方在其旁 天上天伐縱星天樞天翟天
沸荆彗填星所生也出在戊寅日有兩黃方在其旁
若星帝星若彗竹彗牆星權星白龍太白所生也出
在庚寅日有兩白方在其旁 天美天魏天社天林
天麻天蒿端下辰星所生也出以壬寅日有兩黑方
在其旁 見則爲水旱兵喪饑亂

天元曆理全書卷之四 原理之四

北海成恩崑先生鑒定 嘉興徐發國臣著輯

星經輯要

紫微垣十五星東垣八星西垣七星

東垣左區也西垣右區也五月黃昏斗在正南則左區在東右區在西若冬至斗在北極之下則左區在西右區在東如兩弓相合環抱為垣聚貼斗口之上其中為北極東垣第一星去極二十七度半入房宿一度西垣第一星去極二十三度半入角宿七度乃星名藩衛之象也其星大小相均明潤有常則吉或芒角搖動輒殺有變暗則軍衛失職直而開兵大起

ニノヲ



北斗七星赤

輔弼二星黑

天
理
四
星
黑

在紫微西垣外杓星與兩垣門如鼎足而立直帝星
前乃七政之樞機陰陽之本源運乎天中宰制四方
分四時均五行定綱紀為天帝號令之主明則國祚
昌隆或暗或搖為兵為災旁多小星天下安星少氏
星離四星方形為魁三星直指為杓第一星曰
天樞去極二星三度半以張宿九度為正星主陽德
晦及變色主瀆宗廟神祇不祀名山大河第二星曰
天璇去極三十度入張十二度半為泓星主陰刑晦
反變色主妄營宮室山陵第三星曰天璣去極三十
度入異十三度為令星主福善商及變色主疾起用
事妄興徭役第四星曰天權去極二十三度入異十
七度太為伐星主伐無道晦及變色號為不時政無
事任第五星曰玉衡去極二十八度入軫十二度半
為殺星主殺有罪晦及變色主刑罰失當公道不明
第六星曰闕陽去極三十一度入角四度少為危星為
律晦及變色主棄賢用佞峻法嚴刑第七星曰奎光
主極三十五度入角宿九度為部星亦曰應星晦及
變色主貪聚金寶不惜民力又一星曰附在第七星

激清考亦
云非法官
乃天之至
運所出也

右不見又一星曰輔在第六星左去極三十度入角
三度常見所以佐元氣成功也斗魁中有細星四五相
聚曰天璣乃天之左氣也萬物之理明則天下有
道禮樂興君子進不則小人用邪術興是非顛倒
天下無道其星微昧人能見之者福壽○舊說謂貴
人之牢者誤以理為理官也斗下原有貴人之牢
乃天地造化之宰王者出政之端
豈牢獄之地此俗野傳說之陋也

天樞五星黃

第一星曰樞天晝夜環轉而此星似不動故以為天
之樞紐漢蔡邕張衡謂不動處猶去紐星一度宋沈
括謂去樞星四度其下四星相貫二曰后紀三曰庶
子四曰流五曰太子距樞星十五度入心宿三
度帝星明大為天
子有道微暗則占

四輔四星黑

在紐星傍去極各四度張衡曰
抱極之細星為近臣象小明吉

大元曆理

八 原理之四

勾陳六星

在北極左距左星去極六度半人室宿五度中星人室宿十四度為后宮象焉謂天下六宮明則吉暗則六軍不常內宮張衡謂大帝常居之宮是矣

天皇大帝一星黑

在勾陳口中去極八度半人室十一度主御羣靈乘萬机神圖所謂羅魄寶也宜暗明盛則除舊布新

御女四星黃

在勾陳東距東南星去極十三度半人女一度御妻應之明則有寵暗則否黃白氣入有子孫喜宜小

甲六星黑

在華蓋柱內傍距南星去極十五度入奎四度分掌陰陽紀時節所以布教令而授民時也明則陰陽和不明則寒暑易節

華蓋紅合十六星黑

蓋七星紅九星如蓋有柄下垂以覆大帝之座也在

均陳上距中大星去極二十六度入娑門度明正則吉頑動

五帝內座五星黑

在華蓋下距中大星去極十二度半入室宿六度黼

天柱五星黑

近東垣北距西南星去極十三度半入危宿初度

宋史云在五星左稍前主五行相終之氣明則陰陽

柱史一星黑

近尚景法恆十八度入斗十三度

大元曆里

史原應之明則國史正暗則失職

女史一星黑

在柱史北去極十七度半入斗三度
主傳漏紀時後宮內史女官應之

尚書五星黑

在垣內東南維距南西星去極十九度入尾十四度
執政大臣明潤有常為吉凶角動搖大臣有變也

大理二星黃

在門內有尚書前距東星去極二十三度入星五度
乃執法之官明則刑平暗則多枉黃白氣入主有赦
黑氣入決獄不平刑官黜

陰德二星黃

在尚書之西左區內距東星去極十九度入房二度
主赦宥賑卹不欲無明又不欲大明大明則人主好
黃老勤釋事臨常曲赦政無細記○按史記前列直
斗口三星墜北端兌若見若不曰陰德或曰天乙則

豈今之所謂陰德非
古之所謂陰德耶

天乙一星黑

在右區南畔去極二十一度入亢宿一度半乃大將之神主承天運化治十二將司戰鬪知人吉凶小將有光則陰陽和萬物成明人則水旱不調黃氣入將相多賢天下太平黑氣入將相黜天子用兵

太乙一星赤

在天乙南去極二十一度半入亢宿一度乃天使之神主使十六神加風雨冰旱兵飢疾疫明而有光則吉暗則凶一日雨乙盛光兵飢流注黑氣入天下多雨赤氣多旱又曰天乙黃賢滿堂天乙黑將相黜太乙黃白而帝受賜太乙兵華

天床六星黑

在宮門外左區右距西南星去極二十一度入氏二度半主天子視朝臨御凡案之事動搖天子巡幸頃

天元曆里

八原理之四

側人主不安。○舊說謂天子寢息宴休之所是以床
為床第之床也。豈天子床第在宮門外乎。不知古人
几筵椅坐皆謂之床。如酒床、簟床、胡床之類。今鞍
轡架、上馬凳亦謂之床。故為視朝臨御之物也。

天槍三星赤

在斗柄東距大星去極三十二度半入氏宿初度天
子之武備所以衛宮門嚴出入也。星明則朝廷有威
不則則義仗不
立朝綱不肅

天棓五星赤

在斗柄東北距南星去極四十四度入箕三度天子
之游獵所以衛外難敵非常也。其星微明則吉明大
動搖兵起不
明兵衛失職

扶筐七星黑

在大座之東距南第一星去極三十二度半入斗宿
五度左星入斗六度主后宮蠶桑乃盛桑之器也。星

明則吉暗及移徙則絲綿不滅女
工夫業星不正則天下府藏空

天厨六星

在東垣外東北維距大星去極二十四度
入斗二十二度主光祿爵解百官之爵也

天鉤九星黃

在東垣外造父西入河中如鉤狀距大星去極一十
四度入危宿初變中星入室八度五星入室十六度
主與赦法駕甲卒崇
禦之職直則地動

傳舍九星黑

在紫微宮後華蓋上近天河距西第四星去極二十
八度半入婁宿九度賓客之館也為驛亭傳舍黑氣
入胡侵中國小明占○宮垣之後即山河之北故主
胡古人前朝後市乃市廛之舍也外國朝貢多寓此
驛鐵
故又作

八穀八星黑

在華蓋西距西南星去極三十一度半入畢宿三
一主稻二主黍三主大麥四主小麥五主大莖六主
小莖七主粟八主麻以候歲之豐餘星明則
八穀咸登暗則不熟黑氣入萬物不收大荒

內階六星黑

在垣外近文昌北距西南星去極二十三度入井宿
二十六度左星入井八度天帝升降文苑之階明正
則吉顛動國憂

文昌六星赤

在北斗魁前如半月形距西南星去極三十四度半
入柳宿二度半四星在柳一星在魁一星在井天
六府也近內階第一日上將大將軍建威武二曰尚
書正左右三曰典書大常理文緒四曰司祿司中司
諫賞功進德五曰司命司惓太史主減咎六曰司
大理治罪理國寶其星光明色黃潤大小均則百
歲

天瑞璿青黑微細天下
多災動搖移徙大臣憂

三師三星黃

在北斗魁星之西距西星去極二十一度人張一應
太師太傅太保之象主變理陰陽其星明潤吉移徙
三公災赤則公孤大臣
變晦及黑氣有獄有喪

天牢六星黑

在斗魁文昌間距西北星去極二十八度中入張宿
六度貴人之牢也主絕愆禁淫其中星希吉星多則
賢士傷貴人多下獄明
大劫格王侯有繫獄者

勢四星黑

在斗魁下距東南星去極三十一度人翼二應晉志
謂王者臨御之柄所謂惟辟作威作福以八柄馭群
臣也故在斗柄間微明為吉不欲太盛○舊說
謂宦者之星是因勢字而想及形餘俚俗甚矣
天亡事里
六
原理之四

太陽守一星赤

在斗第三星下去極三十六度入張宿十度大將之
象主設武勝戒不虞明則威服四方不明則主令不
行移徙大臣受誅
動搖或不見兵起

太尊一星黃

在太陽守西中台之北去極四十一度入張宿五
度天子之貴戚也居常吉不見及甚所禍起外戚

相一星赤

在太陽守東南去極三十三度入軫宿四度宰相之
象星明大臣忠相權重星芒輔臣橫災禍起暗則政
不理黃氣入宰相
受賜白喪黑凶

三公三星赤

在斗柄第二星下距東星去極三十五度少入角宿
六度爲三少主弱成仇務明大黃潤吉蒼白三公有

災一星去天下危二星去天下亂三
星去天下易主凶角大臣專權禍起

內厨二星黑

在西垣門外斗衡間距西南星去極十九度半入
軫十二度主王者飲饌之事所以供給天庖者

太微垣十星赤

在翼軫北天子之南宮亦曰天庭理法平議監罪授
德列宿受符諸神考節之所東西各五星東落第一
星去極八十六度入軫宿一度西藩第一星去極八
十四度入翼宿十二度半東曰左執法廷尉之象也
西曰右執法御史大夫之象也其餘八星乃東西輔
也藩有凶角及勳搖諸侯凌天子執法移徙刑罰苛
急二執法間曰端門二執法外至第二星間曰左右
掖門第二星至第三星間曰東西太陽門第三至第
四星間曰東西中華門第四至第五星間曰東
西太陰門日月五星入太微軌道則吉否則占

三台六星赤

在太微垣西北軒轅之上兩兩而居為天階一曰泰
階一曰天柱三公之休所以和陰陽而理萬物也其
星俱行列相額則君明臣良暗及舛錯反是一曰
台星失常災在三公上台二星起文昌下距北星
極三十八度入樞宿七度為司命主壽官為太尉
台二星對軒轅距北星去極四十二度入張三度為
司中主宗室為司徒下台二星抵太微垣距北星去
極五十一度入翼二度為司祿主兵官司空人主好
兵奪民時則上階上星弱臣強公侯背叛率部動兵則中
則上階合而熒君弱臣強公侯背叛率部動兵則中
階上星赤外夷來侵邊國騷動則中階下星疏海色赤庶民
色白卿大夫廢正尚邪則中階下星疏海色赤庶民
逐末聚眾起犯刑為盜則下階上星色黑上本就
求者後相尚則下階下星潤而黃色白君臣有道賦
省州清則上階為之韓諸侯貢聘公卿盡忠則中階
為之比庶人奉祀徭役有缺則下階為之密三階
則陰陽和風雨時和豐世泰三台不具天是
失計色明齊待君臣和而政令行設組反是

五帝座五星赤

在太微宮中距中星去極七十一度人翼宿十三度
中星為黃帝座含紐樞之神也東方蒼帝靈威仰之
神也南方赤帝赤熒怒之神也西方白帝招搖之
神也北方黑帝叶光紀之神也天子動得天度止宿
地理從容中道則太微五帝之座明不明則人主
當求賢以自輔不然必參差移則天子失位

太子一星黑

在帝座北去極六十六度半人翼宿十一度半明潤
則青宮有德金火守北則廢黜有篡逆暗則愚昧凶
角動搖黎
逆立至

從官一星黑

在太子西去極六十四度
半入翼宿八度侍從應之

幸臣一星黑

在帝座東北去極六十六度半入翼宿十一度
幸之臣常侍內官也宜微細盛明則幸臣用事

天元曆理

八
原理之四

八

內屏四星赤

在端門內近右執法距西南星去極八十度人翼宿十度所以掩蔽帝庭也明潤則君臣有禮綱紀寬大不明則法律乖繆

謁者一星黑

在左執法之東北去極八十三度人參宿一度主贊賓客辨疑惑星明則遠國來賓

三公三星黑

在東藩內距東星去極八十四度半入參宿六度三公之內座朝會之所居也古與紫微三公同或屬使相在外之座

九卿三星黑

在三公上距西北星去極七十六度人參宿七度朝會之內座也主政事明大廷角則詞訟繁多不明則

紀綱亂星亡則非其人法政大壞

五諸侯五星

在九卿上距西星去極七十度入軫宿一度內侍天子不之國之諸侯主輔姪天子辟雍之禮得則太微五侯之星明不見則諸侯黜情壞不明則諸侯受殃動搖則藩臣懷懼

郎位十五星赤

在帝座東北距西南星去極六十度入翼宿十八度曰鳥衣郎應周之元士漢之光祿散騎諫議二署郎中是其職即今之尚書郎中其星大小均齊光澤有常則應司理百職明否則反是

郎將一星赤

在郎位北去極四十七度半入軫宿十一度武衛之官也主閱武備

常陳七星赤

在郎將西帝座北如畢狀距東去極五十一度
入軫宿初度天子宿衛之士也明則武備修不明則
兵弱不見則兵出天子
子憂動搖則天子自將

少微四星赤

在大微西中台南距東去極六十五度
張宿十五度半一為處士二為議士三為博士四為
大夫星明則賢士時天下安暗及失色則賢
人遁道術潛月五星犯之賢人黜處士災

虎賁一星黑

在大微西垣外去極六十一度入翼宿二
度乃旋頭之騎官變色動搖兵車大起

長垣四星黃

在少微西南距西星去極七十六度入張宿十四度
左星入張十七度半邊界變色動搖邊境不寧

靈臺三星黑

在長垣西距西星去極七十八度入張宿十一度主
觀雲物候災變不見則陰陽不和司天之官失守

明堂三星黑

在靈臺東南太微右掖門外距西星去極八十三度
入張宿十二度天子巡狩布政之官明則王道行朝
貢至不明國法不張

進賢一星黑


在東華門外近角舍平道距極一百四度入軫宿十
四度主薦賢舉逸之臣明則賢人進幽隱拔

天市垣二十二星赤

在太微垣左房心東北東藩第一星宋去極一百五
度半入尾宿七度第二星南海第三星燕趙作第四
星東海第五星除去極九十三度入箕宿七度第六
星吳越第六星除去極八十三度入箕宿八度第七
星齊去極七十四度入箕宿九度第八星中山去
極六十五度入箕宿十度第九星九河第十星趙第
十一星

十一星 魏西藩第一星 楚第三星 韓作去極九十八度 心宿五度 第七星 周第八星 鄭作第四星 巴第五星 第六星 秦第十一星 周第八星 鄭作第九星 晉第十星 河間第十一星 天王朝會諸侯于鄆市又衆民交易之所主權衡聚衆星潤澤及市中星多則歲實稀少歲虛一曰天旗彗主斬戮之事刑人必于市也焚惑守之戮不忠之臣又曰火災而飢中多小星則民富填星守之羅貴黃白氣入災○按天星分野皆本于地正之貴赤氣入市中○有災○按天星分野皆本于地正之象東西南北中茲但以市垣星考之亦與地正合蓋編三正說中茲但以市垣星考之亦與地正合蓋昂畢在北尾箕在南卽地正之象故西垣起鄭楚果巴而北則西河與秦繼之折而東爲周韓晉河間河徐兗齊繼之亦不亂惟越往東海南海之間却置九河之左燕實在不亂惟越往東海南海之間却置九殆與分野全圖同屬秦漢人不知三正之悞茲特爲明圖之以

天市垣分野圖



按此分野所
 屬亦地玉方
 隅相配惟薄
 魏交差而越
 亦與燕吳并
 其跡顯然試
 各正之則天
 然符應不爽
 矣。要之古
 今地名沿革
 不同。河中
 今之榆中即
 河套也。河
 套兩河之間
 即古河內非
 今之河內也
 西河者今之
 洮河非春秋
 之西河也

天元曆理

帝座一星赤

在垣中心去極七十五度入尾宿十度天庭也
帝王之座其星明潤則天子令行微小反是

宦者四星微赤

在帝座西南距南星去極七十六度半入尾九度
半侍帝闈人也明則刑餘用亡則憂斥微明吉

候一星赤

在帝座東南去極七十八度半入尾宿十六
度乃市之候官去聲舊作公候之候誤也

宗正二星赤

在候星南距北星去極八十五度入尾宿十六度司
宗室之官明大則帝宗強失色則宗正有事搖動客

宗親有變

宗人四星赤

在宗正東距中星去極八十六度入箕宿一度主錄親疎享祀帝宗應之

宗星二星赤

在宗人東北候之東距北大星去極八十度半入箕宿五度明則宗枝親愛長幼有序暗則宗枝衰弱

市樓六星黑

在門內臨箕星之上距東南星去極九十八度入尾宿十二度市府也上闕縣司市價交易律度治令欲忽忽不明太明則賦斂重太暗則市吏不理不具則兵作于市其陽為金錢其陰為珠玉

車肆二星黃

在門左距西大星去極一百度入尾宿三度主車輿

列肆二星黃

在垣內斗斛西距東星去極八十六度入心三度主寶玉之貨

天元曆理

斗五星赤

在室者西南距東大星去極七十九度入尾宿六度
半主平最明則吉暗則斗量不平五穀不登覆則歲
熟仰則大飢星亡則斗斛不用

斛四星黑

在斗南市樓之北距西南尾去極八十七
度半入尾宿三度主度量之數占與斗同

帛度二星赤

在宗人北距西星去極六十八度入箕
宿三度主度量明則商賈倍度量平

屠肆二星黑

在帛度東北明則六
畜聚暗則魚肉騰貴

貫索九星赤

在天市垣外之西北距東星去極五十五度入尾一
度主法作禁強暴賤人之半也口向七公二為門空
其開星悉見獄事終不見斷獄簡動搖斧鉞中
則改元口大開有赦移徙或不見不出十日大赦星
稍直抵織女天下有急徵布帛之令半中星多以
星少囚少無星獄空閉口及星入半中有繫或幸以
五子夜候之一星亡小赦二星亡賜祿三星亡大赦
甲期八每丙七旬戊六旬庚五旬壬四旬內為客星
入在獄者客星出觀大小以占赦之大小黑氣入獄
多在獄中竊意買索乃貫錢之繩也故屬在天市特
其形似圖土遂以為牢獄之占豈所謂天事恒象耶
抑市必多獄耶故日中為市取象鼎鑪而利用獄亦
以之明罰勅法然則獄之
為象必與市相從亦宜矣

七公七星黑

在天市垣北橫列貫索之中距西星去極四十九度
入天市垣執法別善惡之官也公孤之象其星明則輔
相用齊正則國治
平差戾則因多枉

天紀九星赤

在貫索東天市垣北距西星去極五十八度入尾宿
五度主紀綱理冤訟九卿之象也齊明則王法不偏
散亂則紀綱敗壞地震山崩星亡則
政理廢棄皆移合女床則王者淫亂

女床三星赤

在天紀北紫微垣扶筐下距西星去極四十九度入
尾十二度蠶女也明潤蠶桑有功失宜則嬪妾無序
釁事
廢缺

角二星赤

在太微垣東南北斗杓星直下稍西距南星去極九
十七度半主造化萬物布君威信為天關其間天門
其內天庭乃黃道之所經七曜之所行也其星明太
則賢人用天下安微暗則王道失輔臣妖天下有兵
道路不通動搖則人主憂移徙則人主
出垂芒則天下大亂不見則國易政

平道二星黑

在兩角間距東星去極九十一度入角宿二度為天子入達之衢平道之官也明吉動搖法駕有虞

天田二星黑

在右角北距西星去極七十三度半入角二度半為京畿之內以及疆界耕種之事暗則郊廟禮察農桑

業失

周鼎三星黑

在天田西北攝提西距東北星去極六十四度半入角七度半國之神器也不見或移徙國祚不寧

天門二星黑

在角南距西星去極一百四度半入軫宿十六度主天子之門朝聘賓客之所明則四方歸化芒角門闕

變有

平星二星赤

在天門東南庫樓上距西星去極一百十一度半入軫宿十六度主執法平刑廷尉之象

庫樓十星赤 衡四星 柱十五星

在角舍南維平星下六大星彎曲為車西南四星方斜為樓中四小星為衡三三而聚者為柱距西北星去極一百二十三度入軫宿十五度半兵庫之府庫樓明大而芒角者兵起車騎用庫中星眾者天子兵強虛則諸侯謀叛庫中無星天下皆叛庫樓五柱皆動則將帥皆行五柱生芒角則天下兵盡合五柱下見兵車悉出

南門二星赤

在庫樓下西大星近樓南距西星去極一百三十七度入軫宿十一度天子外門也主守兵明則遠方服

暗則外夷叛

元四星赤

在角東側立如彎弓狀從北斗杓與玄戈大角直下
即是距有第二星去極九十五度為日月五星之中
道為疏翳主疾疫其星明大人無疾疫不明則若有
內亂其動搖疎折或移徙失常則人多疾病垂亡則
國政錯亂直則兵起凶分
觀元不見則五穀俱傷

招搖一星赤

在北斗杓端直下去極五十一度入亢宿五度半主
胡兵其星與梗河凍星北斗相直則胡來受命不然
胡叛難其處則兵發動搖則兵肆行九州震星亡則
兵起芒角則臣弑君胡大起雖黃白小明天下安靜

大角一星赤

在亢上此星最明大春夏必先見于天中其勢與斗
柄下玄戈招搖相直稍移與元接也去極六十六度
入亢宿二度半唯攝門中人君之象一日天棓所以
正紀綱明潤則吉芒角則強臣伏誅芒之所指兵宜

天元曆聖

八 原理之四

事

古法角宿
實此為首
與二角共
三星乃半
首之象星
最明大故
為列宿之
始後人以
人元應故
聚二

從往石氏曰大角不明
強臣凌主天子衰弱

擬提六星赤

在大角兩傍側立如盾夾維之左三星距南星去極
七十二度半入亢宿七度右三星距北星去極六
十七度入亢宿三度主建時節同候候以夾輔帝座
六部大臣之象也常東向則天子吉北向則天子失
位聖人受制一日色欲微明太明則
三公悉人主弱近大角近賊有謀

亢池六星黑

在亢宿東距北星去極七十度半入亢宿三度
主水逆為池沼舟楫之事不見水壞苗移徙關梁有
變

折威七星黑

在亢下如折軸距西第三星去極百二
度入亢四度主斬殺幽獄執法之官

頡頏二星黃

在折城東南距陳南星去極一百十二度半入亢宿四度主考情為治獄也明則獄平暗則刑濫

陽門二星黃

在頡頏西南庫樓東北距西星去極一百十三度入角宿十度主邊塞險要其星搖動移徙則邊地有警

氐四星赤

在氐東天市西蕃西距西南星去極九十八度半為天機主疫下二尺為日月五星之中道又為路窺明則臣妾奉命殺小則臣失勢遷徙不見則臣將謀內禍亂生矣將有徭役之事氐先動也

玄戈一星赤

在北斗下招搖上與天槍近下與天市西蕃諸星相直去極四十二度入氐宿一度天戈也主北夷宜殺明

大元曆理

梗河三星黃

在大角東北距大星去極五十九度入氐宿二度一
日天鋒為天子劒擊之星所以備不虞也河富作何
乃甲伏之屬

帝席三星黑

在梗河下大角西北距東星去極六十七度半
入氐宿一度半天子遊幸燕御之所宜微邪

天乳一星黑

在氐宿東北去極九十二度入氐宿十四度上
雨露明潤則雨澤均甘露降不見則水旱不節

陣車三星黑

在氐南距東星去極一
十三度入氐四度陣車也

天輻二星

在氏宿東南近房宿距南星去極一百十四度入氏宿十度主鑿驚變色動搖芒角及客星守之則華數變有

騎官二十七星赤

在陣車南維距西北星去極一百二十度入氏宿初度天子軍衛之騎士也主守禦星衆則安擁則騎士寡微小不見則軍衛散出天下兵亂芒角動搖軍兵大起

車騎三星黑

在騎官南距東南星去極一百四十度入氏宿二度主部陳行列車騎之事

騎陣將軍一星赤

在騎官南車騎將也明將盜微將弱動將出亡將灰

從官二星黃

扶元履理

在房西南距西星去極一百二十二度入
氏十四度主疾病至豎明大至豎弄權

日一星黃

在房宿西中道前去極百十三度入氏宿
十四度半太陽之極主昭令德明盛為吉

房四星赤

在天市西南角如執芴赤道外二十三度距南第二
星去極一百十四度半為明堂天子布政之宮下二
星為隆上二星為相又為四長中則為天潢道所
經七政之所行也南二星間為陽關其南曰天潢道
北二星間為陰關其北曰太陰道七曜由天潢則
天下和平年豐歲稔由陽道為喪為旱由陰道為水
為兵一曰天驕主車駕也按房宿四星間相去甚近
古黃道出其中今歲差既深黃道亦從而變有不可
以拘論者矣

約二星赤

在房陰道之東北附房宿相去七寸距南星去極一百九度半入房宿二度半宋史云在房北主防護神府以前非常天門之管籥也王者至孝則明鈴間有星及疎析則主地動河清王者無子

鍵閉二星黃

在鉤鈴上去極一百八度入房四度掌籥管司喉舌暗及芒角移徙宮禁弛星亡津梁不遠

兩咸各四星赤

西咸在房宿上東咸在心宿上距西南星去極一百十一度入房宿六度西咸距西星去極一百四度入氐宿十五度日月五星之道為房之房所以防淫佚也明則吉暗則國有大咎東咸近鉤鈴有讒臣入西咸動有知天文者進

罰三星黃

在兩咸中距南星去極一百八度人心宿一度半主受金贖罪直則法平斜曲刑罰不中

天元曆理

八原理之四

六

積卒十二星赤

在房下從官西南距左星去極一百二十二度半入
房宿三度主掃除不祥守衛明堂之軍士也一星亡
兵少出二星亡兵半出三星
亡兵大起俱亡禁兵盡出

三星赤

在天市垣門下房宿直立心宿橫列心宿中星最明
春夏之間大角織女先見次即心宿中星也距西前
星去極一百四十四度為大火亦曰大辰上四尺為
日月五星之中道前星為太子後星為庶子中大星
天皇也又為明堂前星暗太暗則地動離則人流移徙
人繼中星明則化成道昌直則地動離則人流移徙
不見國亡○按各宿俱有人度星而心宿獨無蓋心
為天鈞貴宇虛明虛則公則萬物聽治明則大大
則王業成故為王者之明堂又為大火火亦虛明之
象使有物以擾之則蔽而不明矣故凡心宿度上無
他距星乃天道自然之妙後人倍積卒蜀之失其
哩矣今積卒距星原在房三度故以歸之房也

尾九星赤

在天市垣下河西兩角一尾俱向上如勾龍形距西
第二星去極一百二十七度半后妃之宮府也北一
丈為天之中道近心第一星為后二夫人次則為
續妾又為九子星色欲均明大小相仍則后妃無妬
子孫衆多發暗后有疾疎遠后失勢
動則君臣不和天下亂蹤聚則大水

神宮一星赤

在尾內西第三星後相去一寸距去極一百
二十五度入尾宿五度內宮解衣之室也

天江四星赤

在尾宿上天市門外距南星去極一百一十一度入尾
宿七度主太陰其星微小如常則陰陽和明大則天
下水災動搖水暴出兵起參差不
齊馬多灰中河而居江河泛濫

傳說一星赤

天元曆理

八 原理之四

在尾後河中。去極一百八度。入尾宿十四度半。主祠祀後宮女巫也。司天王之內祀。以孫子孫。詩云克禋克祀。以弗無子。卽此之象。明大則王音多子。孫動搖則子孫乏。不見則後宮多疾病。入尾下多咒咀俗傳卽商臣傳說謬也。

魚子一星戶

去極一百二十六度。入尾十五度半。在尾後河中。傳說下如雲雨之狀。忽忽如雲。明則風雨時陰陽和暗則魚多止。動則大水。

龜五星赤

在尾南。漢中距南第二星。去極一百三十四度半。入尾宿十度。主贊神明。定吉凶。明則君臣和不。暗反是。星不居漢中。則川有易者。

箕四星赤

三星在天市東南河中一星在河外距西北星去極
 一百二十一度半謂之天津後宮后妃之位也六
 尺爲天之中道一日天難主八風故月宿其野則
 起也又爲數不主口岳主蠻夷胡貊將動先表箕
 前二星爲舌動大風不出三日其北殺爲雨開則多
 風少雨其星明大五穀熟君無譏問疎暗則國亂四
 夷叛中河而居人相食。月之候乃冬令多寒風耳非
 爲十月之候今爲十一月之候乃冬令多寒風耳非
 每月到箕
 便有災

糠一星黑

在箕宿傍去極一百十七度半人尾宿十七度半主
 播揚糠秕明潤則豐熟微暗則凶歉不見則人相食

杵三星赤

在箕南距中星去極一百三十八度入箕宿三度主
 杵春之用糴爲豐橫爲飢移徙則人失業不見則歲

此大

農丈人一星黑

丹歌在斗舍

在斗傍去極一百三十四度入箕宿六度半主稼穡
之老農明於暗飢不見則人相食一日農生箕東饒
箕偃仰東熟西
饑南旱北水

天籥八星黃

在斗杓第二星西距西大星去極一百十四度半入
箕宿九度主門戶開閉測去不明管籥無葉按古
銅量之傍有合籥所謂黃鐘之籥其實十二百索也
今此天籥星在斗宿之傍其形方當作合籥之籥為
是非鎖
籥也

斗六星赤

在天市垣東南河外半在河中距西第三星去極
百十九度天廟也亦曰天機五星貫其中日月正道
為丞相太宰之位酌量政事之宜進賢良稟受爵祿
將有天子之事占之南斗其星約明則天下安寧君

臣一心。芒角動搖則忠臣失勢。天下愁怨。兵起大小不齊。則上下乖違。移徙大臣。逐變色失常。宰相憂。

建六星赤

在斗背。距西星去極一百十三度。入斗宿四度。左入斗七度。亦曰天旗。臨黃道。天之都關也。其星明則大。臣忠正者得天心。不明則天子失道。參差不齊。天下亂動搖。則民勞。

天弁九星赤

在建北。近河。距西大星去極九十九度半。入斗宿二度。市官之長。以知市珍也。明大則市中物盛。不明則天下空虛。五穀不成。

河鼓三星赤

在天弁東。牽牛西北。距西星去極八十二度。入斗宿十九度。天鼓也。主軍鼓鈇鉞。所以備關梁。設險阻。以拒難。其星正南黃明。則將軍吉。移度亂。兵起。芒角動搖。則兵大出。直則將有功。曲則將失律。怒則將猛動搖。則兵大出。直則將有功。曲則將失律。怒則

天已平其

原之四

三

馬貴○按爾雅河鼓謂之牽牛蓋占以建星河鼓為經星主月令故建度與牽牛之度相等後人改用斗度別以六星為牽牛故斗度多而牛度少

主官旗各九星

在河鼓兩傍左黑距西第四星去極七十三度半入斗宿二十四度右赤距南星去極七十三度半入斗宿二一一度天之旗也主設備知敵謀其星明潤則將軍吉動搖戾亂則兵起不明則將軍憂不具則津梁不通

織女三星赤

在河西天紀之東河鼓之北春夏必先見距大星去極五十二度半入斗宿五度天女也主經緯布帛絺綌之事星足常向扶筐牽牛若移徙則布帛貴且有大喪一日大星為母后二小星為女子

輦道五星黑

在織女東足距西北星去極四十七度半入斗宿十一度半天子遊幸之道也動搖疎折則天子出遊不見及金火居之則御路有兵

奚仲四星黃

在轸道北距西北星去極三十八度入斗宿十八度古軍攻也主軍征其星變動失常則車駕不安

漸臺四星黑

在織女西足距東南星去極五十八度入斗宿十度臨水之臺也主晷漏律呂星明陰陽和律呂調不明是反

狗二星黑

在斗魁前距東大星去極一百十八度入斗宿十二度主守禦不居常處戒在守禦之臣

狗國四星黑

在建東南距西北星去極一百二十度入斗宿十八度星明則邊寇作不羽乃安

天雞二星黑

在狗國北距西星去極一百十度入斗宿十六度主候時

天田九星黑

在天雞東牽牛西南距西北星去極一百十六度入斗宿二十二度天子之藉田也其占與角之天田同○宜主九州川土與藉田不同

天淵十星黃

在狗國西南距中北星去極一百二十九度入斗宿十七度一名天池一名天海主灌漑

龍十四星黑

在斗南距東大星去極一百三十度入斗宿五度左入七度古謂之天龍主水族魚虫其星微而不明則

雨水時告漢
中則有水災

牛六星赤

在天河東上抵天律扶筐距中大星去極一百八度
和天之關梁七政之中道也主機牲之事星明大王
道昌天下安暗則五穀不成熟牛多災大星亡
則牛盡天下小星亡則牛多疫星曲則糴貴

羅堰三星黑

在牽牛東南距北星去極一百十九度入牛宿四度
主堰壅亦為拒馬其星明則大水為災黃河驟決

天桴四星黃

在羅堰北左旗端距大星去極九十四度入牛二
度桴所以擊鼓也移近河鼓及動搖皆主軍鼓起

九坎九星赤

在天田南距大星去極一百四十一度半入斗宿二
十五度主導達泉源疏瀉盈溢乃九州之溝渠

天二牛星

原理之四

而明則陰陽
和川澤通

女四星赤

在牽牛東北距西南星去極一百四度中下九尺爲
日月中道天之少府也謂之須女者賤妾之稱婦職
之卑者也主布帛裁制嫁娶星明則女工昌府
庫充移徙變色則續續廢婦女受殃產死者多

離珠五星赤

在須女北距東北四星去極九十五度入牛宿六度
半后宮之藏府璣珠環珞之物微小則后宮儉約居
非其處則后宮有
亂徵求寶貨爲害

敗瓜五星黑

在離珠上距南星去極八十二
度入牛宿七度占與瓠瓜星同

瓠瓜五星赤

在敗瓜上距西星去極七十九度入牛宿七度主米
食瓜菜之屬其西觜星主後宮星明則果瓜俱熟不
明后失勢有大
水瓜果不登

離瑜三星黑

在十二國東距西星去極一百二十八度入女
宿十度其占同女宿之離瑜明盛則后室侈從

十二國合十六星黃

在牛女之下近九坎其星有變動或守常及他星守
犯各以其國言災咎也越一星在斗東南近天田去
極一百二十三度入牛宿二度周二星在越東距星
去極一百二十三度入女宿二度秦二星在周東距
星去極一百二十三度入女宿四度代二星在秦東
距星去極一百二十三度入女宿六度晉一星在
代西南距星去極一百二十三度入女宿五度韓一
星在晉北去極一百二十八度入女宿六度魏一星
在韓北去極一百二十八度入女宿二度楚一星在
魏西去極一百二十八度入女宿二度燕一星在楚

天元曆里

原理之四

五

南去極一百二十九度入女宿三度齊一星在燕西
 南去極一百二十度入牛宿五度宋史云在九坎之
 東曰齊趙二星在齊北距西星去極一百二十九度入
 入牛宿四度鄭一星在趙南去極一百二十八度入
 牛宿三度周越齊趙
 屬井其餘皆屬女

天津九星赤

在虛北橫漢中上抵紫微天厨西一星屬斗中二星
 屬牛東三星屬女虛距西宿星去極四十七度半入
 斗宿二十三度主四宿津梁以通四方其星明正則
 吉動搖或暗皆為兵起參差則馬貴一星不常津梁
 不通三星不常天下覆陷移徙江河決石氏曰天津
 覆懸洪水滔天星亡或移徙水災河溢水賊稱王

虛二星赤

在女宿東南距南星去極一百三度半下九次為大
 之中道為虛堂塚墓之官也主天下覆藏萬物亦為
 廟堂祭祀祈禱主成喪之事其星明潤天下安動搖
 則多成喪哭泣○虛堂塚墓舊誤作冢宰因為冢宰

大臣之
占繆矣

司命二星黑

在虛北距西星去極九十二度入虛宿三度主疾生之事

司祿二星黑

在司命北距西星去極九十度入虛宿四度主生人食祿之事

司危二星黑

在司祿西北距西星去極八十五度入女宿八度主高危不安顛蹶喪亡之禍

司非二星黑

在司危北距西星去極七十九度入女宿九度半主越禮過度奢淫非分凡此四星主壽命爵祿安危是非之星制天下成生之命福善禍淫皆其所司其星微明則吉芒大則妖術興小人道長君子道消

天元曆理

哭二星黑

在虛南近南瑜距西星去極一百廿七度入女宿九度主哭泣或喪之事

泣二星黑

在虛東距南星去極一百十四度主入危宿三度主墳墓倚廬哭泣之事

天壘十三星黃

在哭東南距西星去極一百二十六度入女宿十一度圍如大錢形如貫索主北狄丁零之屬所以候其興敗存亡也變色動搖及流星入關皆主外國犯塞

敗曰四星赤

在虛危之南月相對二星在虛二星在室距北星去極一百三十八度主司一年之災咎其星微細則君吉臣安明大動搖則天子憂疾人民愁苦多或喪不見則人飢色背離鄉井故星贊曰敗

曰知災一星不具民實
金匱俗謂之棺材星

危三星赤

距南星去極九十六度北星入虛六度半主天祿
曰天市一曰架屋下九尺爲日月五星中進主蔽藏
風雨墳墓宮室之事星明則天下安動則有土工起
宮室一曰危動而苦土工兵革起星亡則山陵敗壞
陵廟推毀天下改服

人星五星黑

在危北距西南星去極七十度入虛宿六度半如人
象主人物安危明潤則人道正直不明則人事險詖

杵三星黑

在人星東距西星去極六十一度半入危宿三度主
春糧之用其星正直下曰則吉不直則年飢不當日
則軍儲絕不具人棄
金匱聚則豐疎則儉

未亡昏里

原理之四

白四星黑

在人星東杵下距西南星去極南六十九度半入危宿三度半同杵為春星聚主豐樂星疎主飢饉則吉橫則荒仰則豐覆則歉

車府七星黑

在天津東近河首抵司非尾指天鉤距西第一星去極五十一度半入虛宿四度半主軍車府庫賓客之館其星動搖兵車大起賓客為禍

造父五星黑

在天鉤南墜蛇北距北星去極三十八度入危宿十一度半御馬之官一曰伯樂星明則吉亡則馬大貴移徙馬費兵起

牆蛇二十二星赤

在造父東南室北河中距中大星去極四十四度半入危宿九度半左入室九度水虫之長也明則水盛魚鹽賤不明反是蟠蛇鬪客蛟龍爲孽

土公二星黑

在危東北距西星去極八十度入危十度上山陵葬埋之官

蓋屋三星暗

在危南九度距西星去極九十度入虛宿九度主宮室之官

墳墓四星赤

在危下距中星去極九十六度入危宿五度半如墓狀喪葬之事星不欲明明則多風喪失常則山陵毀

虛梁四星黃

在墳墓東南距西星去極一百度非人所處故曰虛梁也

天錢十星黃

在虛梁西南北落西北距東北星去極一百十六度入危宿四度主錢帛軍資之府藏也其星明則府庫

虛耗

天綱一星赤

在天錢之東南去極一百二十九度入危宿六度主武帳官舍天子弋獵之所

北落師門一星赤

在天綱東去極一百二十六度入危宿十一度主候兵非常乃天軍之門也其星明大將武兵構天下安星細則兵羸將弱武備不修星亡不見則天下有兵大將出國不寧芒角及動搖兵起

室二星赤

在騰蛇下距南星去極八十五度甘氏云為太廟天子之宮也一日清廟又為軍糧之府及土工之事其下九尺日月五星之中道上一星為天子宮下一星為太廟故置羽林以衛之將有王宮之事則占于營室星明正則國昌不明則鬼神不享人多疾疫動搖亡角則有兵役

離宮六星

兩兩而居綴于室上為附座天子之別宮也左入室八度主隱蔽遊幸事

雷電六星黑

在室西南距西星去極八十七度入危宿十三度主典雷電徵明安靜則雷電希少動搖則雷電非特擊物

霹靂五星黑

在土公西南距西星去極八十七度入危宿十五度主陽盛奮激明動多震不明則吉

天元曆理

八
原理之四

雲雨四星黑

在霹靂東南距西北星去極九十五度
入室宿五度主雨澤潤物明則雨水時

壁壘陣十二星赤

在入室九度橫列壁室之南距西第一星去極一百
十五度入危宿十三度羽林之北主天之軍營星明
則國安失常則兵起動搖軍不安
移徙將或具則兵悉出天下亂

羽林軍四十五星赤

三三而聚布在畢壁之南距大星去極一百十七度
入危宿十五度半左入室十度主天軍翊衛之衆其
星明而象實則國安疎暗則禁軍微
弱亡不見則天下亂不具則兵出

鈇鉞三星黃

在羽林南八度西距北星去極一百十三度入室二
度主斬殺其星不欲動則鈇鉞用移徙則兵起

天廐十星黃

在壁北上抵天鉤薄舍間正西星去極四十九度半入室初度主養牧之所不見則天下道絕馬騎不給

壁二星赤

在天窳下距西南去極八十五度半下九尺為天之中道主天下圖書秘府亦主土玉則則圖書集道術行小人退君子進失色或大小不等天子重武彘文動搖土工典難徙隄聚為田宅事

王良五星赤

在奎北居河中上抵傳舍距四星去極三十七度入壁宿初度天子奉車御官也四星謂之天駟四馬參差則天下不安居四馬齊行王良舉策則天下不安天于自臨兵不具則津梁不通王良策馬車騎滿野移近內閣則有江河之變

策一星黑

在王良北去極三十二度入壁四度主天子僕御
若移在馬後是策馬則有伏兵動搖則天子出

土工二星黑

在壁西南距東星去極八十五度入
壁初度主土工之役動搖則土工作

土司空一星赤

在天湖西南去極一百十五度少
入壁宿九度主土木興作之官

八魁九星黑

在北落東南距南星去極一百三十九度入壁宿
度半主設機穽張羅網捕禽獸之官古之虞人也

鉄鎖五星黑

在天倉右足西南距魚星去極鉄
長列之具主斬芻飼牛馬明牛馬繁孳

奎十六星赤

在紫微垣後傳舍下形如破鞋底距西南大星去極一十二度一名封豕天子之武庫也主兵所以禁暴橫又主前遺其下九尺日月五星之中道西南大星爲天系目亦云大將奎大星欲明則天下安芒角動搖國必用兵或曰有赦坐中星明則天下大水故將有陵池江河之事皆占于奎動則有溝瀆之事開合無常則有白衣稱命于山谷者宗祝不潔則奎動帝王法政不平則奎芒角

軍南門一星白

在奎東大將軍南去極六十六度入奎宿十五度主兵

閣道六星赤

在王良東北河中距南星去極四十八度入奎宿四度天子遊幸別宮之道其星行列正直而明則人主則御道不通

附路一星赤

天元曆理

八原理之四

在開道西南去極三十五度半入奎宿五度別道也
所以備開道之缺然一日大僕星明則人言不見
塞道路

外屏七星黑

在奎南距西星去極八十九度入奎八度半
左星八十度主障蔽之用所以蔽溷濁也

天溷七星黑

在屏南距南星去極九十七
度入奎三度秦豕之圈也

婁三星赤

在紫微垣薄合下距中星去極七十五度半為天獄
土苑牧犧牲以給郊祀主典兵聚眾下九尺為七
政之中道星明則郊祀禮天下有福動
搖則聚眾直則有急域國大亂君出走

空更五星黑

在婁東距西南星去極七十六度半入婁四度
山虞之官主知山林藪澤事芒角山谷盜起

右更五星黑

在婁西距西南星去極七十五度入奎宿
四度牧師也主養馬之屬明則牧事繁孳

天大將軍十二星赤

在婁北上抵關道距大星去極六十度半入婁宿四
度謂之天將軍中央大星大將也其左右將之類也
餘小星吏士也其星明靜則兵革不興大將康寧不
明或動搖則天下兵起旗若揚者隨所擊賊海中占
曰大將軍搖動則天子自將兵左右旗芒角所
主者賊一曰明則將武兵精暗小兵羸將弱

天倉六星赤

在婁南距西北星去極一百四度半入奎宿十一度
藏五穀以待邦用主倉庫之官也明大歲餘暗小凶
穀穰多紅朽疎遠必
虛耗戶閉凶戶閉無

天元曆理

入
原理之四

三

天庾四星黑

在天倉東南脚距中大星去極一百二十五度半入婁宿五度主易國積聚之事占同天倉

胃三星赤

在紫微垣八鏡之下距西南星去極六十度半為天
曆載五穀之倉也又誅殺討捕之事南下九尺為日
月五星之中道星明則倉廩盈暗小失明則倉廩
空賊聚米貴民旋動搖及芒角俱主兵起轉餉

大陵八星赤

在胃北距大星去極五十四度入胃宿七度亦曰積
京主陵墓災幾其中小星聚多則深貴民疫明大芒
角則天下多兵喪踐聚則或人如麻一曰大陵陷圉
不見金匱反得其土其下有積尸氣蒼白赤黑皆忌

積尸一星黑

在大陵中去極五十五度入胃宿四度主
此喪星亡及暗乃吉明大天下多暴死

天船九星赤

在大陵北河中距大星主極五十四度半入胃宿十度左星入十一度主舟楫亦主水旱其星均明則天下安不居漢中津梁不通明大則水泛溢

積水一星黑

在天船中去極五十三度人昂宿初度主候水災明大則水為害

天阿一星黑

在胃東南去極六十六度入胃宿十度主泰山稼穡異動搖則國有妖一日天阿黑女人失福五星客星犯之主妖言起

天陰五星黃

在阿下畢柄之西距西星去極七十五度主入胃宿七度主從天子弋獵之臣星暗為吉明則宮禁漏泄

一日天陰不
明王言失條

天廟四星赤

在胃東南距南星去極八十五度半入胃宿十二度
主畜積黍稷齊明則年豐國星小而不明則歲惡民
飢

天囷十三星赤

在胃南距大星去極九十一度半入胃宿六度半右
主入糞上一度中星入胃六度主給御稟占同上

芻膏六星黑

在天囷東南距中行四星去極百八度入胃十一度
主積草以供牛馬明及中星多則歲豐振庫藏益不
明及中星稀則牛馬多暴疾水火災
火犯之芻膏庫藏有水火災

昂七星赤

在胃 前南距西有星去極七十度下九尺爲日月
五星 中道天之耳目也主獄事主口舌奏對又爲
旄頭 星其大星宜明明則獄訟平國無後臣天下
安暗 則是動搖大臣下獄數動則胡兵大起大星
跳躍 則餘皆不動則
胡笳 則邊期一年

卷舌六生赤

主昂 北距南大星去極五十五度入昂宿初度主口
舌以 主讒佞曲而靜賢人用直而動天下多口舌明
大 則讒人興旁星繁則獄訟
起人 疾不居漢中世多妄言

天譏一星黑

在卷舌中 去極六十一度入昂宿二度主讒佞
隱則 吉動搖佞人恣又主巫蠱明則巫蠱倖進

廟石四星黑

在卷舌東南近五車 距南第二星去極六十五度入
昂宿六度主百工砥礪鋒刃如常則吉若角多殺

末元曆理

卜

原理之四

三

月一星黑

在昴東天街南去極七十一度半入昴宿五受
女主大臣之象也明大女主擅權大臣執政

大蛇十六星赤

在昴南距東北星去極一百七度半入昴七度半天
子禽獸之苑行列齊明中多小星禽獸繁孽微細星
多矣類

畢八星赤

在昴東俯南距右股第一星去極七十五度曰畢車
又為天馬為邊兵為刑罰亦主七氣其大星曰天高
一曰邊將主四方之尉也其星明大主四方來貢天
下安失色則邊兵亂又曰畢主山河以南中國也中
國于海內則在東南為陽西北為陰昴畢之間帶
天街陰陽兩界之所分畢為陽國昴為陰國其北
上尺為日月
五星之中道

附耳一星赤

在畢口大星之下東南隅去極七十七度入畢宿二度主聽伺奸邪不祥盛大則盜賊起外國叛邊兵動移徙則讒佞行若入畢口天下兵起

天街二星黑

在昴畢間距南星去極七十一度入昴宿十度主國之界限其南為華夏其北為戎狄是黃道之所經陰陽之所分乃三光之正道也星明則吉暗則兵起移徙不見津梁道絕一曰天街有客遠人號列

五車五星三柱九星赤

在畢東北上抵紫微垣之內階八穀間距大星去極四十七度入畢宿八度半乃天子兵車之舍也主國五兵西北大星曰天庫入畢八度主大印主素分及雍州主豆次東北曰天獄入畢十度主辰星主燕趙幽冀主稻次東南曰天倉入畢十一度主填星主荆楚衛徐吳主麻中央曰司空入畢十度主填星主荆楚

主黍粟西南曰卿星入畢七度主災活主益魂主麥
其星明大則吉暗則根儲乏絕變色搖動則其分兵
大起五星有變各以其所主占之又三柱在五車中
入畢九度一日天淵一日天休一日天壽欲其均明
潤狹有常則吉倉庫實一星不具則國飢兵起出入
則兵入柱出一月水貴三倍飢一年出兩月水貴六
倍飢二年出三月水貴十倍飢三年柱出不與天倉
相迎則米穀運出千里柱倒立尤甚石中曰天庫星
中河而見河
津絕人民疾

天潢五星黑

在五車內距西北星去極五十八度入
畢一度主河梁濟渡星亡津梁不通

咸池星黑

在五車內距南星去極五十一度入畢十一
度水魚之圖也星明有龍見虎狼為害

諸王五星黑

在五車星南。漢中距西去極七十一度。入畢宿三度。主藩屏王室。明則諸侯奉法。暗則下臣專政。不見則宗社傾危。變色動搖。四方兵起。

天高四星黑

在諸王南。近畢。距東星去極七十四度。半入畢宿六度。主觀雲物。望風氣之盛。不見則官司失守。陰陽不和。

天關一星赤

在五車東南。去極七十一度。半入觜宿初度。亦曰天門。日月五星之道也。主開塞。星明大則天下平。星亡或芒角。皆為兵起。移與五車合。國門盡閉。大將被甲。七政不出。天關則有不朝之罰。

參旗九星赤

在畢東南。距南第一大星去極八十七度。入畢宿十六度。一曰天旗。天子之軍官也。天弓主弓弩之物。以

侯變禁雞其星明太則邊寇動弓弩川候
小而直天下息兵曲如張弓天下兵大起

天節八星黑

在附耳南距北星去極八十度零入畢宿三度主持
節奉使宣威德于四方星明則使臣忠直天子令行
暗則奉使失職不見則四方不奉王命

九州殊口七星黑

在天節南距度缺王曉方俗之語九土之
器也每州一星不見則一州有凶于十一月間候之

九旂九星黑

在參旗南距南星去極一百十三度入畢宿
十五度主導軍進退明靜則吉動搖兵起

天園十三星黑

在天苑南距大星去極一百二十四度入畢宿五度
其狀屈曲橫列所以植蔬果之趣星明果實蔬登六

寧 審 減

玉井四星赤

在參右足下距西北星去極九十八度少入畢宿十三度半主水泉以給民用歲小如常則陰陽和玉釭成明大動搖則大水玉井近參虎狼為害

軍井四星黑

在玉井東南距西南星去極一百五度半入畢宿十四度行軍之井也主給軍變

屏三星赤

在軍井西南距南星去極一百十五度入畢宿十四度為屏風所以障蔽天廟也主疾病不明天子寢疾不具則人民災疫

觜三星赤

天元曆理

八 原理之四

三

在參右肩上如鼎足形距西南星去極八十二度
三軍之候行軍之藏庫主係旅收斂萬物明則軍
盈將得勢動而明盜賊
群行動移將有逐者

參七星赤

在五車天關下距中星西第一星去極九十二度半
一口參伐一曰天市一曰天鉞主斬刈又為大戮主
殺伐又主權衡所以平理也又主邊城九譯故不欲
其動為白虎之體其中橫列二將也東北左肩為左
將西北右肩為右將西南右足為後將東南左足為
前將故占參以應七將皆主邊兵七星皆明則兵精
將武暗則反是饒聚則大將誅不其國亡地解參左
足入井兵大起秦地大水有張山石為怪右足突出
玉井虎狼害人中三
星疏法令急人民怨

伐三星赤

在參兩足間距上星去極一
百度入參五度一曰虎尾

怪四星黑

在參主肩上距西星去極七十度入參宿六度主候妖怪

鉞一星赤

在司怪北附井口第一星遠去極六十九度入參宿八度半主伺淫奢而行斬斷不欲大明明則兵起
鉞用明與井同及或動搖則天子用
鉞于大臣芒角則大臣多死于法者

座旗九星黑

在紫宿上司怪西北距南星去極六十度半入參宿七度主別尊卑之位明則國有禮暗則反是

天厠四星赤

在屏東距西北星去極一百十八度半入參宿二度為滙主天下疾病色黃而明則吉不見人多病亡暗則人多疫

天屎一星赤

在厠南去極一百十五度入參宿三度明則萬物豐
不見則人多疾病常以春分日候之其星滿澤黃暉
則人無病青黑國飢
人多病或為蝗為水

丈人二星黑

在厠東南距西星去極一百二
十八度入參宿四度國之老人

井八星赤

在河中上抵紫微垣內階文昌之間距西房北第一
星去極六十九度主水泉為天子南門日月五星貫
之為中道石氏謂之東井亦曰天井主水師法令之
所平也三光行不由其中天下無逆強淫之不得留
之留之亦為災又曰王者用法平井宿明則國亂君憂
則國弱政亂動搖失色則候威廢移徙則國亂君憂

漢水

災

北河各三星赤

在井南距東大星去極八十三度半人非宿二十一
度北在井北距東大星去極六十一度半人非宿二十一
度分夾東井為南北界南曰南戌也過之則吉留久則
曰胡門兩河之間三光之帶道也
殃咎生一曰南戌以限繼邦北戌以限戎狄南
星不具則南道不通北星不具則北道不通

五諸侯五星赤

在井北距西星去極五十六度半入井七度半張平
子云五諸侯主斷疑刺舉或不虞理陰陽察得失皆
主天子之謀議其星均明潤澤則天下治疑議決輔
臣忠差戾不明忠臣屈折上下猜忌春秋元命苞曰
五侯生角
禍從中起

積水一星黑

在北河西北去極五十四度半人非宿十八度一曰
聚水主聚美水以給天子之酒官也又曰主侯水災
二百里之四

天元曆理

八
王
二
四

三

明大動搖江河
泛溢津梁不通

積薪一星黑

在積水東南去極五十四度半入井宿二十七度主
聚薪以給享祀所以供庖厨也明則五穀熟享祀隆

天罇三星黑

在井東北距西星去極六十八度入井宿十六
度主汲水以給酒食之用明正則吉暗則旱渴

水泣四星赤

在井東距西星去極七十三度半入井宿十七度主
水灑石氏曰衡平象水水平而後流其星微小如常
則天下安不然則大水橫五
穀傷上近北河則國反為河

水府四星黑

在井西南鉞星下距西星去極七十六
度半入井宿七度半水官也占同水位

四瀆四星黑

在井南距西南星去極八十六度入井宿二度
江淮河濟之精也其星男大動者則水泛溢

關丘二星黑

在南河東距大星去極九十一度少入井十四度主
布象魏列尊卑天子之雙闕也牛馬隱顯征伐離
繫離河陳講信之鏡與守家魏與雙闕關隘之
結離關關關關關關關關關關關關關關關關關

天狗七星黑

在關丘南狼星東北橫出河中距西星去極一百二
度入井宿二十二度狩獵之犬也移徙則盜賊橫行

當此

狼星赤

在井東南去極一百七度半入井宿十度為野將
殺掠主兵火其色欲黃白無光不宜動搖天下乃

色赤而光芒四張動搖則天下罷兵大起盜賊橫行

弧矢九星赤

在狼東南距一星去極一百十四度入井宿十五度天弓也并一星矢也主備盜賊故常注矢以向狼若弧不張矢不直則天下盜賊橫行星明黃而小天下息兵變也失常明大則天下多盜矢不射狼則盜賊禁不

軍市十三星赤

在參井之南狼星西距西北星去極一百七度半入井宿初度天軍貿易之市也市中小星衆多則軍食足少則

野雞一星黑

在軍市中去極一百九度半入井宿四度半主知變怪又曰野雞將也上屯營軍法之號令

子二星黑

在軍市西南丈人東距西星去極一百二十八度入參宿九度不見則天下多不孝

孫二星黑

在子東距西星去極一百二十五度入井宿六度所以侍丈人而扶持之星也不見為失

老人一星赤

在孫南南星西南去極一百四十三度入井宿三度入南極主壽考常于秋分之曙見于西春分之昏見于東見則人主壽昌天下安寧以勝游波蟠規

鬼四星赤

在井東上抵軒轅之尾上台星下距西南星去極六十九度半主親明察奸謀天目也為日月五星之中道一曰天廟主祠祀又主疾病凶亡積尸氣在鬼中失白如粉絮似雲非雲似星非星見氣而已一名鬼

質欲其忽忽不明明則兵起大臣謀主下民
流亡變色及動搖則疾病衆勞而鬼哭人號

耀四星黑

在鬼上軒轅尾西距西北星去極六十度半入井宿
二十九度主烽火備警急小而不明則天下安明而
大則邊庭有急動搖
芒角則外兵大入

外厨六星黑

在鬼南距大星去極九十二度半入
鬼宿二度祭祀之厨也占同天厨

天厨六星黑

在氐東南距西南星去極一百三十四度入井宿
二十三度社神也是明則社稷安動搖則臣謀上

柳八星赤

在鬼宿東南距西第三星去極八十二度半爲朱雀
星一曰天庫天之厨也主御膳飲食酒醑之事其北

六尺爲日月五星之中。遊星切大。則人豐酒食。動搖則大人酒死失色。則天下不安。人飢流亡。

酒旗三星赤

在柳北。軒轅右角南。距西北星。去極七十三度。入柳十四度。酒官之旗也。主宴享。星明。天下懽娛大饗。芒起禍。酒。

天紀一星黑

在外厨東南。去極一百一度。入柳宿三度。主知禽獸。尚。

星七星赤

在柳東南。距大星。去極九十六度。曰天紀。爲朱雀之頭。文明之粹。羽儀之所。主衣裳文綈。星明。則王道昌。暗。則賢良棄天下。空虛。文士遁藏。

軒轅十七星赤

在星北三台下距大星去極七十五度入張宿三度
首入柳十度中星入星二度一曰東陵一曰灌星上
雷雨之神亦為后妃之舍典六宮之內政以弼大政
其北大星女后也南小星御女也左一星少民少后
之族右一星大民次后之族次北一星夫人所也上
將也又北一星妃也次將也其次諸妃之屬也除陽
交合盛為雷激為電和為雨怒為風震為霧凝為霜
散為露變為雲立為虹電離為背映分為抱平十四
變皆軒轅主之其星飲小而黃明則國
人流亦動搖就聚后妃大人次御女主

天相三星黃

在星東北酒旗南距北星去極九十五度入星宿六
度大臣之象亦御府官也主朝服之祿儀衛之職

大稷五星赤

在星南距大星去極一百三十度
度入柳宿十三度農正也主百穀

張六星赤

在軒轅首下太微垣西南維距西第二星去極一百
二度半主珍寶金玉廟堂所用之物為天子內宮衣
服遠方貢物之肆其星明大則人主昌天下治民物
阜五禮修暗小不明則五禮失天子多疾病一曰天
府明則禮樂具備
無光王者少子孫

丙平四星黑

在軒轅東北中台南距西星去極五十二度入張
六度執法之官也明則刑罰平不明則罰失度

天廟十四星黑

在張宿西南距西北星去極一百十三度半人新
十三度中星入張三度天子之祖廟也均明則吉

東甌五星黑

在張宿東南距南星去極一百二十九度入張
宿七度左星入張十六度此乃甌冶之官也

翼二十二星

在太微垣南距中央西第二星去極一百四度為天子之樂部為非優結樂文物聲名之所主三公化道文籍及蠻方遠客負海之賓北土十有三尺為日月五星之中道星明大則君明臣良禮節樂典四海來賓暗小失序則人君失禮王道衰廢

軍門二星黃

在翼宿東南距西南星去極一百十五度半入翼十三度天子六軍之門主營衛

土司空四星黃

空字誤當作流

在軍門南距西南星去極一百二十度入翼宿十四度一曰司徒上田土又主邊城地界正疆理辨風土約職貢來遠人其星均明則世平年豐暗小主德政不修遠人離叛

器府三十二星黑

在翼軫南距大星去極一百三十七度半入箕八度能為樂器之府明則隨樂修律呂調

軫四星赤

在太歲垣東南距西北星去極一百三度半主車務
任戰伐輟輟之事故有軍出入皆占于軫主火災
殃咎之凶北上三尺
為日月五星中道

左右兩轄各一星赤

在軫宿兩旁左轄去極一百一度半入軫宿五度右
轄去極一百十度半入翼宿十六度半左主同姓諸
星七寸近則上下和睦遠則君臣相疑小明則國祚
安大明同
軫則兵起

長沙一小星

在軫中央主壽命小明人主昌壽子孫眾多
有憂明等四星則臣下謀逆星亡則人主惡之車
必前也

青丘七星

在軫東南距西北星去極一百二十四度入軫宿五
度主東方三韓南蠻諸侯之國明大則蠻人強動搖
芒角外人叛